


www.BibleForChildren.org


Matayu 8



Lichuwa Iya itatu kuwelili na mhambu wa uposo kummbwani wa kana, kumlima wa Galilaya. Kumhambu hau nyongo ghaki Yesu na mweni awelili pala. Yesu pamonga na wavulwa ghaki wawelili wamluwa Yesu na wavulwa ghaki wayendi kumhambu wa uposo hula.



Divai paipelili, nyongo ghaki Yesu akamongela, “Wandu wawela ng'ogha na divai.” Pala nyongo ghaki akamongela watumikila, “Chochosi atewamongela, mgholi.”



Yesu akawalongela, “Mumemesi ndeleku
hasi masi.” Weni wakamemesa neku neku.
Hinu Yesu akawalongela, “Hinaa mteki,
mumyegheli mkulu wa mhambu,” ndiwa
wakateka masi na kumyeghela mkulu wa
mhambu hula.




Yula mkulu wa mhambu hula akanywegha ghala masi
yenikuwela yaghalambuka kuwela divai. Mweni
kamanya ng'ogha kugha
ihumili, ila wala watumikila
watekili masi wamanyili.



Mkulu wa muhambu akamkema bambu wa muhambu
wa uposo mmbali, akamlongela, “Wandu wanguyegha
mtumbulo divai maha hata
paiwakwila, na kuulongolo
ikikovekela hila divai
yuyughu. Ila wenga
unguyegha divai gha
maha mbaka hinaa.”





Yesu agholili kilangihi haki kya utumbulo haku kana,
Galilaya, akalangiha ukulu ghaki na
weni wavulwa ghaki
wakamkwinila.



Yesu akahika ukaya kwa Petelo, na akamlola nyongo
mkwahanu wa Petulo kawonja mkindanda,
anguhemka nesu.



Hinu, Yesu akamyavisa yula nyongo liwoku, na ulwala ukamleka akatandamuka na akagholoka, na akatumbula kuwatelelela.




Lumihi, lichuva palihongili kala, wakamyeghela Yesu
wavina wogha na wandu wakolilwi na mahoka.

Wandu wogha wa
mmbwani hula
walikungulili
kuulongolo gha lighuta.



Mweni Yesu akawalamisa wandu watangala weni
kuwela na mavina wekaweka, awawingili mahoka
matangala, ila kawakanila mahoka kulonga chochosi
kwaikiva wammanyi mweni ni ghani.




Wandu wogha wapalili kumyavisa, kwaikiva makakala uwelili ukihuma mghati ghaki na kuwalamisa wogha.




Wandu wanjechi wakahika na wampapili mundu ahovili
vikongonu wakamyegha kwa Yesu.



Ila kwaikiva gha lipinga Iya wandu,
wawesili ng'ogha kumyegha
pabehi na Yesu. Hinu,
wakapoyola limbandu Iya
paghala liwela kunani gha
mahala kawela
Yesu.




Pawapatili kala mahala
wakamghulusa yula mundu
akiwela kawonja mlihinda.




Yesu paalolili ukwinila ghao akamlongela yula ahovili
vikongonu, “Mwana ghangu,
ulekeselwa uhakata
ghako.” “Ningukulongela,
ugholoki, utoli
lihinda lyaku
uyendi ukaya!”



Yesu akakwela whatu mkulu, na wavulwa ghaki
wakayenda pamonga na mweni.
Pawawelili wakiyenda bwitu
liyegha likulunga likahumila
mlihiwa, hata mawimbi
ghakatumbula kugubika
whatu. Ila Yesu awelili
kawonja lughonu.



Yesu akawalongela, “Mwenga wandu weni kukwinila mayaghani, kwa kyani mngutila?” Hinu, akayimuka, akalikalipila liyegha na lila lihiwa, likaponga nesu. Wandu wakalikangasa, wakalonga, “Mundu hayu ni wa ghuli? Hata lihoka na mawimbi vingumyitikila!”



Kwaikiva Sapanga apalili nesu mlima
wogha hata akamuhumisa Mwana
ghaki wa weka, lukani kila mundu
mweni kumkwinila hayu Mwana
akotoho kuyaghamila, ila apokeli
ukomu wa machuwa hyogha
bila mwihu.



Waloma 3:23 wandu wogha waghohile sambu na
kulepelelwa kughola kila akipalile Sapanga waghohi.

Waloma 6:23 Kwaikiva mahipo gha sambu ni kihu, ila
fwaida gha Sapanga ni ukumu wa machuwa hyogha bila
mwihi ku Kilisito Yesu Bambu wa twenga.

Wahebulania 9:27 Handa mundu vila kavikilwa kuhova
lihanja limonga hela na badili gha kuhova kulamulwa.

Waefesu 2:8,9 Hinu kwaikiva mlokolwa kwa umaha wa
Sapanga, kwa njila gha kukwinila, ng'ogha kwa matendu
maheli mghola. Ulokola hau ni hupo kuhuma kwa
Sapanga. Kawalokola ng'ogha kukovekelana na matendu
maheli mghola, hinu mundu yoyosi akotoho kulitutumula.



Waloma 10:9,10 Ikiva utelonga kiuhighgiliso kwa mlomo ghako wenga mweni yiwa Yesu ni Bambu na kukwinila mmoyu ghako yiwa Sapanga ndiwa amhindulili kuhuma kukihu, utelokoka. Kwaikiva mundu angukwinila kwa moyu akajumilwa kuulongolo gha Sapanga, na angulongela kiuhighiliso kwa waghangi mweni handa mweni kwa mlomo ghaki atelokolwa.

Yohana 3:16,17 Kwaikiva Sapanga apalili nesu mlima wogha hata akamuhumisa Mwana ghaki wa weka, lukani kila mundu mweni kumkwinila hayu Mwana akotoho kuyaghamila, ila apokeli ukomu wa machuwa hyogha bila mwihu. Kwaikiva Sapanga kamyegha ng'ogha Mwana ghaki kutosa mlima wogha, ila kuulokola.



1 Yohana 5:11-13 Habali gha chakaka yeni ndiwa hai, Sapanga katupatila ukomu wa machuwa hyogha bila mwihu, ukomu hau tunguupokela kwa kumkwinila Mwana ghaki. Mundu mweni umonga na Mwana wa Sapanga, hayu kana hau ukomu. Ila yula kawela ng'ogha na umonga na hayu Mwana wa Sapanga, hayu kahela hau ukomu. Ninguwayandikila mighalu hai mwenga weni kumkwinila Mwana wa Sapanga, ili mmanyi yiwa muwela na hau ukomu wa machuwa hyogha bila mwihu.



Matayu 8-9; Maliku 1-2, 4; Luka 4, 8; Yohana 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Mbunga NT (mgy) @The Word for The World International
and Mbunga Language translation, 2025. All rights reserved.

©2026 Bible for Children, Inc.

www.M1914.org

www.bibleforchildren.org

